

von Wulf Wager

Scheene Adventsmusig



Eigentlich sott jo dr Advent dia "stillste Zeit im Jahr" sei. Ma sott sich vorbereita auf die Ankunft, also die Geburt vom Jesuskendle. Schlemm isch, dass es Leit geit, dia garnet wissat, was mr an Weihnachta feiert! Dia genießat halt des warme Gefühl, wenn beim Weihnachtsmarktbusach dr vierte Glühwei dia brannte Mandla ond dia Thüringer Roschtbrotwurscht em Maga ersäufat ond drzua "White Christmas" aus ma gschmacklosa Blaschdiggrentier dudlet.

Aber es goht au anderscht. Ma ka dia Adventszeit au inwendig a Stickle weiter doba, em Herza erleba. Dodrzua lad i Sia härredslich ei.

I lad Sia ei zoma wirklich schöna Adventskonzert mit alte traditionelle Weisa aus onserm Ländle, dia 's schonscht nirgend mai zom höra geit. Des fendet am Sonndich, vierter Advent om Viere am Middag en dr wunderschöna Musikhalle en Ludwigsburg statt. I derf des moderiera: "Volksmusik zum Advent". Mit drbei send meine Stäfflesgeiger, mei Spundlochmusig, dui Ostelsheimer Stubenmusik ond DreiXang, drei jonge Fraua, die mit ihre Engelsstemmla wonderschö sengat, dia Klarinettenfreunde und noc zwoi Brauchtumsgruppa aus em Schwarzwald. I dät mi jessasmäßig freia, wenn i Sie dort begrüßa dirft. I han extra a paar nette Gschichtla ond a Weihnachtsspiel für Sie gschriebea.

Volksmusik zum Advent

Musikhalle Ludwigsburg, Festsaal

Datum: 18.12.2016, Beginn: 16:00 Uhr

Einlass: ab 15:00 Uhr, Eintrittspreis: 17,00 Euro

Kartenbestellungen und Vorverkauf:

Easy Ticket, www.easyticket.de

Tel. 0711-25 55-401

Bis näggschd Woch'
Ihr

Alle Kolumnen unter www.woascht.de